



Ministap Uqautigiyakhait

Nampa _____

Upluq _____

Nan'ngariyauyuq Eva Ariak
Hivuliqti

Ukiuqtaqtumi Hapummiriniq

Uqaqtitti, ilaunut itqaumaniqtut Nuvaippami Hivuliqtit Katimaniani ihumagiyara Ukiuqtaqtumi Atanniqtuitjutiqarniq ilaunut pingahunit akhuurutigiyauyukhait pinahuaqtaptiingni qulini hivunirni ukiuni. Talvuuna, uqariyaqhimayunga hivunniurutigiyumaplugu Nunavut ililugillu havaariyakhait Inuit hapummiyuuyukhat Ukiuqtaqtumik.

Munarilluarahuaqtaqut inuit nunaqtaqtut Ukiuqtaqtumi nunallariyaptiingnilu.

Aquinia Amialikatkut Hivuliqtiryuangata Obamam Kanatamut kingullirmi tatqiqhiunmi kangiqhitjutauyuq aulapkaqtamita kangiqhiyut Kanata imaa ilannauyuq ikayuqtiuplunilu Amialikamut. Nunavunmut Kanatamullu, ukpiriyara taamna takunnaqhitigiyaa Ukiuqtaqtumik taaffuminngalu uqautigiyauqattaqtumik Ukiuqtaqtumi Umiaqturviup Nangaqturvianik.

Nunavummiut ikayuqtaat Kanatap piyaa qanurinniatigut Nangaqturvikkut pilluaqtaunahuaqtaq Kanatap atanniqtuitjutiqarnianik hapumminikkullu Ukiuqtaqtumi.

Inuit atuqpagaat inuuvigiplugillu immat, hikulu hinaalu Nangaqturviup amihuni kingullirnit ukiuni tun'ngavigiplugu Kanatap piutigiyaatigut hapkunminnga immanik.

Avatqullugu Atanniqtuitjutiqarnirmut, ihumagiyauyuq Amialiqatkut aallallu nunat imait ikaaqtarvia umiat piuyaaghaanik nunaryuamut aullaarvik imaaluunniit Kanatam nanminirivaa tariuga.

Nunavut ihumaaluuta ihuigutauniarnahuquuta uvaptingnut – nanminivut tariungutivut, hikup qulaani natqalu tariup, hinivullu – piliuqtaukpat Ikaaqtarvingurluni Umianut nunaryuamiutanut aulaarvigiyaulirluni Kanatam nanminiriyainnut tariunginnut. Tahapkuat tagiut aghuurnaqtut Inuit taimani aulaarviit anguniarviillu-Nunavunmiut taimaa aturhimmaagait ublumimut, hugaanut tariurmiutanut aghuurnaqpiaqtunut pitquhiptingnut.

Nuatqatigiiguptingnut Amialikanut Uqiuqtartumi ilagiigniqtumut, ukpiruhuktunga Amialikat Kanatamiullu atauhirmut ihumaqatigiigutilgit amirhiyiniqmik Uqiuqtarviup imanginnik naliqqagiinik Kanatam Amialikallu kilirutainnut. Ilaalilu, Amialikat Kanatamiullu ilagiitkiaq pinaqitjunmikt amigiyaungittumik, hilaryuap umiatuutikkut aullaarunmik talvuuna ikaaqtuurvianiklu Ikaaqtarvianut Umiat.

Uqaqtittiysi, aghuurhaivunga Kanatamik havaqatigiiluni Amialikanik aallallu ilauyut Uqiuqtaqtumut Katimayiinnut avatimut amirittiarunmik ihumaliuliqinirmiklu ukiuqtaqtumi. Quyagivara kavamatuqani Ahinirmiunut Havaktunut Minista Cannon uqauhia kingullirmi havainirmi Kanatam Uqiuqtaqtumi Ahinirmiunut Maliktaghamut, hanaqitjutainnullu kavamaliqinikkut tatqirhiunmi tikiliqtumi Washington-mi Uqiuqtartumi Katimayiinnut katimatillugit Tromso-mi, Norway-mi.